

## ՓՈԽԱՆՑՈՒՄՆԵՐ ԳՈՅԱԿԱՆԻ ԹՎԻ ՔԵՐԱԿԱՆԱԿԱՆ ԿԱՐԳՈՒՄ

Գոյականի թվի քերականական կարգի պատմական զարգացման գործընթացում առկա տեղաշարժերն ընթացել են հետեւյալ ուղղություններով.  
ա) հավաքական գոյականներից եզակի թվին, բ) անեզական գոյականներից եզակի թվին, գ) անհոգնական գոյականներից եզակի-հոգնակի հարաբերակցությանը:

ա) Հավաքական գոյականների թվային իմաստի մասնավորեցումը եզակիի

Հավաքական գոյականները ներկայացնում են միատեսակ առարկաների ամբողջություն, բազմություն, ինչպես՝ գոռք, գունդ, վաշտ, դասակ, ազգ, գեղ, նախիժ եւ այլն: Սակայն վերոհիշյալ բառերը չունեն քերականական տարբերակիչ հատկանիշներ եւ հոգնակի թիվ են կազմում, ինչպես սովորական գոյականները:

Բուն հավաքականները եզակի ձեւով արտահայտում են հոգնակի իմաստ, սակայն ոչ թե ցույց են տալիս հոգնակիության մեջ մտնող առարկաներն առանձին-առանձին, ինչպես հոգնակի գոյականները, այլ հոգնակիության մեջ մտնող առարկաները ներկայացվում են որպես մի միասնություն, ամբողջություն, օրինակ՝ ուսանողություն, եռիտասարդություն, մարդկություն, խմորեղեն, ոսկեղեն, տատոնք, աաաոնք, Սառուենք, Հակոբենք եւ այլն:

Հր. Աճառյանը հավաքական գոյականները բնութագրում է որպես «իմաստով հոգնակի ու ձեւով եզակի»<sup>1</sup> բառեր, իսկ պրոֆ. Է. Աղայանը հավաքականությունը համարում է թվի կարգի արտահայտություններից մեկը՝ «այսպես կոչված հավաքական թիվ», քանի որ «կան բազմաթիվ բառեր, որոնք արտահայտում են առարկաների քանակը ոչ թե որպես եզակի (մեկ), կամ հոգնակի (մեկից ավելի), այլ որպես մի հավաքական ամբողջություն»<sup>2</sup>:

Ժամանակակից հայոց լեզվում հավաքական գոյականները լինում են պարզ, ինչպես՝ աառս, եռամակ, գուրուկ, եւ ածանցավոր, ընդ որում, հայերենն առանձնացնում է հատուկ հավաքականակերտ ածանցներ.

ա) -ություն-ուսանողություն, աշակերտություն, մարդկություն, գյուղացիություն,

բ) -եղեն-ոսկեղեն, ամանեղեն, սպիտակեղեն, խմորեղեն, կտորեղեն,

գ) - անի- առականի, նամականի, ավագանի, ընտրանի,

<sup>1</sup> Հր. Աճառյան, Լիակատար քերականություն հայոց լեզվի համեմատությամբ 562 լեզուների, հ. III, Ե., 1957, էջ 856:

<sup>2</sup> Է. Աղայան, Լեզվաբանության ներածություն, Ե., 1963, էջ 362:

դ) – ոռալ+ք- ոռոռալք, արոռալք,

ե) – տի+ք - փորոտիք, հնոտիք, մանկտիք,

զ) – ենք, – անք, – ոնք, – ունք – Գրիգորենք, Առամենք, Վառոաճանք, պապոնք, ուստոնք, Վանդունք եւ այլն:

Հավաքանակերու ածանցները կարելի է խմբավորել երկու կարգերում.

1) Ածանցներ, որոնք ունեն հատուկ հավաքական իմաստ: Սրանք են՝ – ուռուն, – եռեն, – անի, – որայք, – տիք:

Այս ածանցներով կազմված բառերը գիտակցվում են որպես մեկ ամբողջություն, համարժեք են եզակի թվին եւ պահանջում են եզակի թվով արտահայտված ստորոգյալ, օրինակ՝ «Ուսանողությունը շատ է կարողում», «Խմորեղենը համեղ էր», «Այս դեղորայքը նախընտրելի է» եւ այլն:

2) Ածանցներ, որոնք համատեղում են հավաքականության եւ հոգնակիի իմաստները, այսինքն՝ միաթամանակ նշում են եւ առարկաների ամբողջության, հավաքականության, եւ մեկից ավելիի, շատի գաղափար: Այսպիսիք են – ոնք, – ենք, – անք, – ունք վերջածանցները, որոնցով կազմված գոյականները պահանջում են հոգնակի թվով արտահայտված ստորոգյալ, ինչպես՝ «Գրիգորենք մեր հարեւաններն են», «Վարդանանք մեծ հայրենասերներ էին», «Պապոնք տանը չեն» եւ այլն: Նշենք, որ այս կազմություններն ունեն ժողովրդախոսակցական երանգ եւ գրական լեզվին անցել են բարբառներից:

Հավաքական գոյականներն իրենց ձեւով մի դեպքում հարում են անհոգնականներին, այսինքն չունեն համապատասխան հոգնակի ձեւեր, մյուս դեպքում՝ անեզականներին եւ չունեն եզակի ձեւեր: Արդյունքում ունենք եզականաձեւ հավաքականներ եւ հոգնականաձեւ հավաքականներ:

Եզականաձեւ հավաքականների մի մասը – եղ, – նեղ, հոգնակերտների հավելումով կարող է մտնել եզակի-հոգնակի հարաբերակցության ոլորտ, ինչպես՝ գունդ-գնդեղ, ժողովուրդ-ժողովուրդներ, հուր-հուրեր:

Եզականաձեւ անհոգնական հավաքականները միաեզ են եւ չեն մտնում եզակի-հոգնակի հարաբերակցության ոլորտ, ինչպես՝ ընակչություն, բանմորություն, հոգեւորականություն եւ այլն:

Հոգնականաձեւ հավաքականները նույնպես եզակի-հոգնակի հակադրության մեջ չեն մտնում եւ հոգնակի ձեւում ամփոփում են հավաքականության գաղափարը, ինչպես՝ նոթեղ, հուշեր, գանգուրներ, պապոնք, Վառոաճանք եւ այլն:

Իմաստային տարբեր հանգամանքներով պայմանավորված՝ հավաքական գոյականների որոշ ենթատեսակների զարգացման գործընթացում դիտվում են որոշակի տեղաշարժեր հավաքականությունից դեպի եզակի-հոգնակի հարաբերակցության ոլորտ: Նման տեղաշարժերի են ենթարկվել.

1. Գրաբարյան բայանուն հավաքականները: Գրաբարյան, ինչպես նաև ետգրաբարյան բայանուններն ունեին գործողության բազմակիության, տեսականության իմաստ: Ելնելով հենց այդ բառիմաստային առանձնահատկությունից՝ բայանունները դիտվում էին որպես անեզական գոյականներ, իսկ գրաբարյան-ք մասնիկը, ավելանալով բայանուններին, նրանցից կերտում էր հավաքականներ: Այսպիսով, գրաբարում կար վերացական հավաքականների մի խումբ, որ կազմվում էր. ա) բայահիմք + անք կադապարով, ինչպես՝ տուզանք, առաչանք, աշխատանք, ամոթանք եւ այլն:

բ) ուն հանգով քալանուն + ք կադապարով, ինչպես՝ բաժանմունք, զգազմունք, ուսմունք, գրադմունք եւ այլն:

գ) -եւիք, -աւիք վերջավորվող բայանունները, որ կազմվելով անորոշ դերբայից՝ և վերջավորությամբ եւ -ք հոգնակերտով, դարձել են անեզական հավաքականներ, ինչպես՝ ուտեւիք, ասեւիք, հոտոտեւիք, շոշափեւիք եւ այլն:

Գրաբարյան բայանուն հավաքականները ետգրաբարյան չորանուն աստիճանաբար իմաստափոխվում են, ք վերջաբաղադրիչի հոգնակերտ-հավաքական նշանակությունը, մթազնվում, ապա նաև վերանում է: Ժամանակակից հայերենում այս բայանունները գիտակցվում են որպես մեկ՝ եզակի առարկաներ, լրիվ փոխանցվել են եզակի գոյականներին եւ մասնակցում են եզակի-հոգնակի հարացուցային ձևերի կազմությանը, ինչպես՝ տուզանք-տուզանքներ, առաչանք-առաչանքներ, ամոթանք-ամոթանքներ, ուտեւիք-ուտեւիքներ, սալառնաւիք-սալառնաւիքներ եւ այլն:

2. Հոգնականաձեւ հավաքականները: Հոգնականաձեւ հավաքականների հետագա զարգացումը նրանց տեղաշարժեց դեպի եզակի թիվ, քանի որ հոգնակի բառաձեւը վերաարժեքավորվեց իբրեւ եզակի, որն իր հերթին կարող է մտնել եզակի-հոգնակի հակադրության մեջ: Այս տեղաշարժը հնարավոր դարձավ, երբ գրաբարյան ք հոգնակերտը, վերաիմաստավորվելով, ձեւակազմական միավորից՝ վերջավորությունից, վերածվեց բառակազմականի՝ ածանցի: Այս գործընթացի հետեւանքով -ք հոգնակերտ-հավաքականներով կազմված մի շարք գոյականներ գրաբարյան հոգնականաձեւ հավաքականներից փոխանցվեցին ժամանակակից հայերենի եզակիներին՝ մտնելով եզակի-հոգնակի հակադրության ոլորտ: Օրինակ՝ խեւք-խեւքեր, միտք-մտքեր, մուտք-մուտքեր, ելք-ելքեր եւ այլն:

3. Եզականաձեւ հավաքականներից եզակիին անցումը հատկապես բնորոշ է բանաստեղծական խոսքին: Այսպես՝ եթե գրական հայերենում կիրառելի չեն ամբոխ, բազմություն բառերի հոգնակի ձևերը, ապա բանաստեղծական խոսքում դրանք ընդունելի կազմություններ են, ինչպես՝ «Նա ամբոխներ էր տեսել հլու եւ բազմություններ կամակատար (ԵՉ.Դ.115 էջ), «Սմբոխները խելագարված» (Ե.Չ.) եւ այլն: Եզականաձեւ հավաքականների հոգնակի թվով

կիրառությունը բնորոշ է նաեւ խոսակցական լեզվին: Օրինակ՝ գրական հայերենում անընդունելի խմորեղեններ, բանօտեղեններ, ոսկեղեններ, սպիտակեղեններ, մոզեղեններ եւ նմանատիպ այլ կազմություններ հաճախ են հանդիպում բանավոր խոսքում: Այս դեպքում խոսողը նկատի ունի ոչ միայն տվյալ առարկաների միասնական ամբողջությունը, այլեւ դրանց բազմաբանակությունը, շատությունը, օրինակ՝ «Ես խմորեղեններ եմ պատվիրել», «Նրա ոսկեղենները շատ լավն են», «Բանջարեղենները շուտ են փչանում» եւ այլն:

Այսպիսով, քանի որ ժամանակակից հայերենի հավաքական գոյականների մի սովոր խումբ չունի քերականական տարբերիչ առանձնահատկություններ եւ իմաստային անցումների արդյունքում տեղաշարժվել է եզակի թիվ, ուստի սովորական բառերի նման հոգնակի ձեւեր է կազմում -եր, -ներ հոգնակերտ մասնիկների միջոցով եւ, ի հակակշիռ հավաքական ենթակարգի միանգամայն, մտնում է եզակի-հոգնակի հակադրության մեջ:

բ) Անեզական գոյականների թվային իմաստի մասնավորեցումը եզակիի

Անեզական են այն գոյականները, որոնք հիմնականում գործածվում են հոգնակի թվի ձեւով եւ չունեն համապատասխան եզակի թվի ձեւը: Դր. Աճառյանն անեզական գոյականներին տալիս է հետեւյալ բնութագիրը. «Մի խումբ բառեր, որոնք իմաստով եզակի են ու ձեւով հոգնակի, կոչվում են անեզականներ»<sup>1</sup>: Գրաբարում անեզական գոյականները շատ էին. դրանք հատկապես ք վերջնաբաղադրիչով կազմված բառերն էին, ինչպես՝ աչք, մետք, խելք, հոնք, կառք, անադաւնք, մեռադունք, տանջանք եւ այլն: Անեզական էին նաեւ մի շարք հատուկ անուններ, ինչպես՝ Հաւք, Ծոպք, Մոկք, Վաւք, Ռշտունիք եւ այլն: Ժամանակակից հայերենում այս բառերը (բացի հատուկ անուններից) այլեւս անեզականներ չեն համարվում, այլ եզակի ձեւեր են, որ մասնակացում են եզակի-հոգնակի հարացուցային ձեւերի կազմությանը: Նախկին անեզականների հոգնակին ժամանակակից հայերենում կազմվում է -եր, -ներ հոգնակերտների միջոցով, որ ավելանում են բառահիմքին, ինչպես՝ ելք-ելքեր, մուտք-մուտքեր, մեղադրանք-մեղադրանքներ եւ այլն:

Անեզակիությունը նախ եւ առաջ իմաստաբանական հիմնավորվածություն ունի. այն կապված է առարկաների քանակային հարաբերության յուրովի ընկալման հետ: Գոյականի անեզականության ըմբռնումը կախված է հոգնակի բառածելի բերած լրացուցիչ բառիմաստի հետ, ուստի թե իր հոգնակածեւ կառուցվածքով, թե՛ գործառնությով բառաքերականական մի ենթակարգ է, որ խիստ բնորոշ էր գրաբարին:

Դին հայերենի անեզական գոյականները ետգրաբարյան շրջանում աստիճանաբար վերաարժեքավորվեցին:

<sup>1</sup> Դր. Աճառյան, Լիակատար քերականություն հայոց լեզվի համեմատությամբ 562 լեզուների, Խ. III, Ե., 1957, էջ 856:

Գրաբարյան ք մասնիկի հոգնակե՛րտ նշանակության մթագնմանը, անկմանը զուգահեռ անեզական կառուցածեւերը գիտակցվեցին որպէս եզակի եւ մտան եզակի-հոգնակի նոր հարաբերակցության մեջ: Օրինակ՝ ելք-ելքեր, մուտք-մուտքեր, հանգանք-հանգանքներ եւ այլն:

Կան անեզականներից եզակիին փոխանցված մի շարք գոյականներ, որոնք այսօր էլ հոգնակի ձեւեր չեն կազմում, այսինքն՝ անհոգնական են, օրինակ՝ խելք, վարք, կամք եւ այլն:

Անեզականների մեջ տարածված տեղաշարժերը չհասցրեցին բառաքերականական այս ենթակարգի քայքայմանը, ինչի հետեւանքով գրաբարյան անեզականները փոխանցվեցին ժամանակակից հայերենի եզակիին, որոնք ձեռք բերեցին եզակի գոյականներին բնորոշ ձեւաբանական հատկություններ, այն է՝ հոգնակիակազմությունը:

Այսպիսով, գրաբարյան անեզականները ոչ թե վերացել են լեզվից, այլ փոխել իրենց արտահայտության ձեւերն ու եղանակները: Անեզականների ներսում ընթացող տեղաշարժերը սկսվել են դեռեւս հնագույն շրջանում, տարածում գտել միջին գրական հայերենում եւ ավարտվել ժամանակակից հայոց լեզվում: Դր. Աճառյանը գրում է. «Կիլիկյան շրջանում անեզականներն այլեւս ջնջված են եւ ոչ միայն գրաբարի հին անեզական ձեւերը վերածված են եզակիի, այլեւ նորանոր բառեր, որոնք գրաբարում եզակի են, վերածվել են անեզականի, այսինքն՝ ստացել են ք մասնիկը եւ հետո դարձել եզակի»:<sup>1</sup>

Այժմ դիտարկենք, թե գրաբարում որ գոյականներն էին գործածվում անեզաբար եւ ինչպիսի իմաստաքերականական տեղաշարժերի են ենթարկվել դրանք ժամանակակից հայերենում:

1. Գրաբարում անեզական էին երկկազմ կամ բազմակազմ առարկաների անունները, հատկապէս այն գոյականները, որոնց հիմքում ընկած էր զույգայնության գաղափարը, ինչպէս՝ այք, ձեռք, ունք եւ այլն: Ժամանակակից հայերենում սրանք փոխանցվել են եզակի ձեւերին, որոնցից, -եք հոգնակերտ մասնիկի հավելումով կազմվում են հոգնակի բառածեւեր, ինչպէս՝ այք-այքեր, ձեռք-ձեռքեր, ուտք-ուտքեր, ունք-ունքեր եւ այլն:

Ժողովրդախոսակցական լեզվում մի շարք գոյականներ եզակի գործածությանը զուգահեռ պահպանել են նաեւ անեզականության գաղափարը, հատկապէս, երբ գործածվում են երկկազմ կամ բազմակազմ առարկաների իմաստով: Օրինակ՝ «Տեղերը գցել են», տեղեր- «անկողին» իմաստով, «Եսեսները պաչեց», եղեսներ- «այտեր» իմաստով եւ այլն:

<sup>1</sup> Դր. Աճառյան, Լիակատար քերականություն հայոց լեզվի համեմատությամբ 562 լեզուների, հ. III, Ե., 1957, էջ 874:

2. Գրաբարում անեզականներ էին բազմադեպ երեւոյթների, կենցաղային, հոգեկան, ֆիզիկական այլեւայլ երեւոյթների անունները, ինչպես՝ հաոսանիք, իալեագք, աոօթք, անէծք, շնոոիք, գնօոք, շէնք, անոթանք, տեսք, գոյք եւ այլ բառեր:

Ժամանակակից հայերենում այս կարգի բառերը հիմնականում համարվում են եզակի ձեւեր եւ մասնակցում են եզակի-հոգնակի հարացուցային շարքերի կազմւթյանը -եր, -ներ հոգնակերտների միջոցով: Օրինակ՝ հաոսանիք-հաոսանիքներ, իալագք-իալագքներ, շենք-շենքեր, եւօ-եւօք, անեծք-անեծքներ եւ այլն:

«Սնրջանքներ լազուր» (Հ.Ս.Յ.Ս., 48 էջ), «Փոշի դառնաս բարծունքներում (Հ.Ս.Յ.Ս., 41):

Գրաբարյան երկինք անեզական գոյականը ժամանակակից հայերենում փոխանցվել է անհոգնականի իմաստաբերականական կարգին, ուստի եզակի-հոգնակի հարաբերակցությանը չի մասնակցում եւ հոգնակիի ձեւեր չի կազմում, թեւ բանաստեղծական խոսքում հանդիպում ենք երկինքներ բառաձեւի կիրառության դեպքերի, ինչպես՝ «Եթե ուզեն՝ վար կբերեն երկինքներից արեզակներ» (Ե.Չ.Ղ. 45 էջ):

3. Գրաբարյան, ինչպես նաեւ ետգրաբարյան բայանուններն ունեին գործողության բազմակիության, տեւականության իմաստ: Ելնելով հենց այդ՝ բառիմաստային առանձնահատկութիւններից՝ բայանունները դիտվում էին որպես անեզականներ, իսկ գրաբարյան -ք մասնիկը, ավելանալով բայանունին, նրանից կերտում էր անեզական գոյականներ, ինչպես՝ բերկրանք, աղաչանք, չարչարանք, ուսմունք, մտածմունք, բաժանմունք, կաւմածք, լմագք եւ այլն:

Գրաբարյան անեզական բայանուններն արտահայտում էին գործողության, դրության վերացական գաղափար: Այս բառերը ետգրաբարյան շրջանում աստիճանաբար իմաստափոխվեցին, -ք հոգնակերտի նշանակւթյունը մթագնեց եւ վերացավ, ինչի հետեւանքով ժամանակակից հայերենում ք վերջնաբաղադրիչով անեզական բայանունների մի մասը գիտակցվում է եզակի ձեւեր եւ մասնակցում եզակի-հոգնակի հարացուցային ձեւերի կազմւթյանը, օրինակ՝ ուսմունք-ուսմունքներ, մտածմունք-մտածմունքներ, կազմվածք-կազմվածքներ եւ այլն:

Այսպիով, գրաբարյան անեզականները կորցնում են թե իրենց իմաստաբանական հիմքերը, եւ թե քերականական արտահայտության ձեւը: -ք վերջնաբաղադրիչը, իմաստափոխվելով, ժամանակակից հայերենում զրկվում է հոգնակերտի գրաբարյան նշանակւթյունից եւ ձեռք է բերում ածանցի արժեք, իսկ անեզական բառերը՝ եզակիին բնորոշ ձեւաիմաստային հատկութիւններ:

Իմաստային փոխանցումների հետեւանքով գրաբարյան անեզականները ժամանակակից հայերենում անցնում են եզակի ձեւերին՝ դրսեւորելով հետեւյալ առանձնահատկությունները.

1) Անեզական գոյականները ձեռք են բերել եզակի նշանակություն, ինչպես՝ այիք, առիք, կիք, մեք, բառծուք, -եղ, -ներ հոգնակերտների հավելումով կազմում են հոգնակի ձեւեր:

2) Գրաբարյան մի շարք անեզականներ, որ ունեին նաեւ հազվադեպ գործածվող եզակի ձեւեր, ժամանակակից հայերենում պահպանել են երկու եզրերն էլ, որպես նույնիմաստ բառեր, ինչպես՝ հնառ-հնառք:

3) Ժամանակակից հայերենի եզակիին են փոխանցվել գրաբարյան անեզականները թե -ք վերջնադրիչով եւ թե առանց դրա՝ իմաստային տարբերակներով, ինչպես՝ տառիք եւ տառի, ղեմք եւ ղեմ:

4) Անեզականը ժամանակակից հայերենի եզակիին է փոխանցվել առանց -ք հոգնակերտի, ինչպես՝ գրաբարում լանք, հունք, նախնիք, ագուգայք, մինչդեռ ժամանակակից հայերենում՝ լանք, հունք, նախնիք, ագուգա:

5) Կան նաեւ դեպքեր, երբ գրաբարյան անեզականը նույնությամբ փոխանցվել է ժամանակակից հայերենի եզակիին, սակայն փոխվել է նրա բառիմաստը: Օրինակ՝ գրաբարյան զնազք անեզական բայանունը, որ ուներ «ընթացք, ելք» իմաստը, ժամանակակից հայերենում վերածվել է թանձրացական գոյականի եւ ստացել «փոխադրամիջոցի տեսակ» իմաստը:

«Այսպիսով, անեզականների մեջ տարածված տեղաշարժերը հասցրին բառաբերականական այդ ենթակարգի քայքայմանը, նրանց հիմնականում դարձնելով եզակի»:<sup>1</sup>

Գ) Փոխանցումներ անհոգնականներից եզակի-հոգնակի հարաբերակցության ոլորտ

Անհոգնական են այն բառերը, որոնք չունեն հոգնակի ձեւեր եւ չեզոք են մեկի եւ մեկից ավելիի քերականական հարաբերակցության նկատմամբ: Արդյունքում՝ անհոգնականները չեն մասնակցում եզակի-հոգնակի հարաբերակցային շարքի կազմությանը: Անհոգնական գոյականները ոչ թե եզակի թիվ են ներկայացնում, այլ եզականաձեւ բառեր են, որոնք հիմնականում քանակական թվականով արտահայտված լրացում չեն ստանում եւ ունենում են եզակի թվով ստորոգյալ: Հայերենում անհոգնականները չունեն կառուցվածքային առանձնահատկություններ եւ բնորոշվում են իմաստային ընդհանրություններով:

Ժամանակակից հայերենի անհոգնական գոյականները կազմում են առանձին խմբեր.

<sup>1</sup> Հ. Պետրոսյան, Գոյականի թվի կարգը հայերենում, Ե., 1972, էջ 67:

ա) հատուկ անուններ (անձնանուններ, կենդանիների անուններ, տեղանուններ), որոնք, անվանելով առանձին անձ կամ առարկա՝ իրենց ուղղակի կիրառության դեպքում բացառում են հոգնակի թիվը, օրինակ՝ Հայկ, Սևահիտ, Անի, Եռեւան, Գլուճի, Գամառ եւ այլն,

բ) բնութան մեք եզակի, միակ առարկաների անուններ, որոնց հոգնակին, շատը չի կարող լինել, ինչպես՝ առել, լուսին, եռկինք, եռկիռ, հուսիս, հառավ, առելեք, առելուտք, հաստակած եւ այլն: Այս խմբի մեջ են մտնում տարվա եղանակները, ամսանունները եւ միակի գաղափարը կրող այլ անվանումներ,

գ) ուսմունքների, ուղղությունների, տեսությունների, գիտությունների անվանումներ, որոնք կազմվում են հայերեն -ութուն կամ փոխառյալ -իզմ վերջածանցներով, ինչպես՝ մահմեդականություն, լաւատեսություն, հոռետեսություն, ֆեոդալիզմ, ուտոպիզմ, իդեալիզմ եւ այլն,

դ) թվադասվող առարկաների կամ նյութի անուններ, ինչպես՝ նավթ, սոսինձ, ձուռք, թթվածին, աղյուն, թուր, ծավառ, բոհնձ, գորեն եւ այլն,

ե) -ում եւ -ություն վերջածանցներով կազմված մի շարք վեռագական գոականներ, ինչպես՝ ծառւմ, տաաւում, ուսում, մեծություն, ծանոթություն, օադոգություն, կազմություն եւ այլն:

Թեւեւ ասացինք, որ անհոգնական գոյականները հիմնականում եզականաձեւ բառեր են եւ հոգնակի թիվ չեն կազմում, սակայն լրացուցիչ իմաստավորման դեպքում սրանք եւս կարող են կազմել հոգնակի ձեւեր եւ մտնել եզակի-հոգնակի հարաբերակցության ոլորտ: Այս դեպքում բառը չի դադարում անհոգնական լինելուց, պարզապես լրացուցիչ իմաստի ձեռքբերումը հնարավորություն է տալիս ընդլայնել բառի իմաստաբերականական արժեքը եւ տեղաշարժել այն անհոգնականից եզակի-հոգնակի երկարժեք թվային հարաբերակցության: Այս դեպքում տեղաշառժո մասնակի է, քանի որ բառը, կոնկրետ կիրառություններում ստանալով հոգնակներ տվերջավորություններ, իր բուն նշանակությամբ չի դադարում անհոգնական դիտվելուց:

Ստորեւ ներկայացնենք համապատասխան փաստերն արդեն իսկ կատարած խմբավորումների համար:

ա) Հատուկ անունները, թեւեւ անհոգնական գոյականներ են, սակայն կարող են գործածվել հոգնակի թվով, երբ նրանց իմաստային դաշտում տեղի են ունենում որոշակի տեղաշարժեր: Նման տեղաշարժերի դեպքում հոգնակին ցույց է տալիս.

– տարբեր անձեր կամ վայրեր, որոնք նույն անունն ունեն, օրինակ՝ «Մեր կուրսում շատ Հայկեր եւ Անիներ կան», «Հայաստանում Արգավանդները, Սարալանջերն ու Նորաշենները մի քանիսն են»,

– նույն գերդաստանի, ընտանիքի անդամներ, ինչպես՝ «Մեկրոնյանները մեր հարեւաններն են», «Ղազանչանները գաղթել են Ղարսից», Չովհաննես եւ Լեւոն Օրբելիներ եւ այլն,

– տվյալ հատուկ անվանը բնորոշ հատկությունը ստանում է հասարակ անվան նշանակություն, ինչպես՝ «մեր ժողովրդին Ղափթներ միշտ պետք են», «Զիմզիմովներ հիմա էլ են ծնվում» եւ այլն.

բ) թեւեւ եզակի, միակ առարկաների անվանումները չունեն հոգնակի թվի ձեւեր, սակայն լրացուցիչ կամ փոխաբերական իմաստավորման դեպքում հոգնակի ձեւերի կազմությունը հնարավոր է դառնում: Օրինակ՝ տարվա կտրվածքով յուրաքանչյուր ամիսը մեկն է, սակայն եթե վերցնենք ավելի մեծ ժամանակահատված, ասենք՝ հինգ տարի, ամսանունը կարող է գործածվել եւ հոգնակի թվով, ինչպես՝ «Յունվարները ավելի ցրտաշունչ են լինում, քան փետրվարները», նույն կերպ՝ «Ես եռկուշաբթիները չեմ սիրում» եւ այլն: Եզակի, միակ առարկաների հոգնակի կիրառությունը տարածված է պոեզիայում, քանի որ այստեղ դրանք ստանում են մի շարք լրացուցիչ իմաստներ. «Մայր իմ, արեւներ կուգեն քեզ տալ» (ՅՇ, Ե.4, 17 էջ). «Մորս ոտքի տակ գառուններ փոքր» (ՅՇ.Ե., 4, 42 էջ), «Ղու աշխատիներ կպահես քո արեւի պաշարով» (ՅՇ. Ե. 4, 62 էջ) եւ այլն:

գ) Անհոգնական գոյականներից ուսմունքների, ուղղությունների, տեսությունների, գիտությունների անվանումները հոգնակիակերտ մասնիկներ չեն ստանում եւ լրացուցիչ իմաստավորմամբ չեն գործածվում:

դ) Անհաշվելի առարկաների, նյութի անունները նույնպես սովորաբար մեկի եւ մեկից ավելիի թվային հակադրության մեջ չեն առնվում, քանի որ քանակային հարաբերության առումով անբաժանելի են, չթվարկվող: Սակայն հաճախ այս գոյականների բառաիմաստային լրացուցիչ երանգավորումները հնարավոր են դարձնում անհոգնականի հոգնակի գործածությունը: Օր.՝ Չլուն բառը անհոգնական է, քանի ու նյութականություն- զանգվածայնություն է արտահայտում, սակայն փոխաբերական իմաստով գործածվելիս կարող է ստանալ -եր հոգնակերտը, ինչպես՝ «թափված ծուներ եւ ծաղիկներ Չլունի մոտ» (Յ.Ս. Յ.Ս.Բ., 16 էջ): Նույն կերպ՝ «Մութին սառեռն հալեցան» (ՂՎ. Բ. էջ 118), «Ոսկեհատիկ գարիներու կույտին վրա» (ՂՎ. Բ. 170 էջ) եւ այլն:

ե) Վերացականություն արտահայտող գոյականները, որ նշում են հոգեկան եւ ֆիզիկական երեւոյթներ, իրենց բուն նշանակությամբ անհոգնական են, քանի որ ընկալվում են իբրեւ անբաժանելի ամբողջություն, ինչպես՝ սեռ, խանդ, թախիծ, փառք, գառուլք, եղջանկություն, զգվածք, կառուտ, աղմուկ, տխտություն եւ այլն: Սակայն իմաստային որոշ ընդգրկումների դեպքում սրանք կարող են գործածվել նաեւ հոգնակի թվով: Օրինակ՝ Սեռ բառը, որպես, հոգեկան երեւույթ, զգացմունք ցույց տվող գոյական, անհոգ-

նական է. քանի որ անբաժան միասնություն ունի, սակայն կարող է դրվել հոգնակի թվով՝ սերեր. ցույց տալով այդ զգացմունքի մասնավոր դրսեւորումները: Նույն կերպ՝ մառի անեզական գոյականը մառիեր հոգնակի ձեւում արտահայտում է բառի լրացուցիչ երանգավորում՝ «մառիվան կոնկրետ դրսեւորումներ», օրինակ՝ «Եվ լուսնի վրա մառիեր նշմարեց» (ՅՇ. հ. 2, 10 էջ): «Եվ գալուսթներդ ազնիվ» (ՀՍ. Տ.Կ. 136), «Կարոտներիս գագաթն է այն» (ԵՉ. Հ. 298 էջ):

զ) Անհոգնական են նաեւ բնության որոշ երեւոյթներ նշող վերացական գոյականները, ինչպես՝ շոգ, ցուրտ, աւծոն, ծուռ, սառնամանիք եւ այլն: Սակայն, երբ կենդանի խոսքի ընթացքում նշվում է տվյալ երեւոյթի բազմադեպութունը, այս գոյականները գործածվում են նաեւ հոգնակի թվով. օրինակ՝ «Ցուտերն ընկել են», «Սառնամանիքներն անցան», «Շոգերն անտանելի են դարձել» եւ այլն:

Ընդհանրապես, ժամանակակից գրական հայերենում վերացական անհոգնականները համեմատաբար ավելի քիչ են, քանի որ վերացական գոյականների մեծ մասը իմաստային տեղաշարժերի հետեւանքով կարող են կազմել հոգնակի թվի ձեւեր: Օրինակ՝ «Հրթիռ-հրթիռ վեր են թռչում կլանքերը մեր կարեւրեր» (ԵՉ. Հ., 34 էջ), «Լցված է անհուն իմ հոգին հիմա Շփոթ երգերով ու աղմուկներով» (ԵՉ., Հ., 212 էջ), «Քնքշութիւններ դարձան երազ» (ՎՏ.Բ, 251 էջ):

#### ԳՐԱԿԱՆՈՒԹՅՈՒՆ

1. Հր. Աճառյան, Հայոց անձնանունների բառարան, հ. Ե. Ե., 1962թ.
2. Հր. Աճառյան, Լիակատար քերականություն հայոց լեզվի, հ. 3, Ե. 1957թ.
3. Էդվարդ Աղայան, Լեզրաբանության ներածություն, Ե., 1973թ.
4. Հ. Պետրոսյան, Գոյականի թվի կարգը հայերենում, Ե., 1972թ.

#### ՀԱՍՍՈՂՈՍԱԳՐՈՒԹՅՈՒՆՆԵՐ

1. Հ.Շ.Ե. – Հովհաննես Շիրազ, Երկեր, IV
2. Ե.Գ.Հ. – Եղիշե Չարենց, Հատընտիր
3. Հ.Ս.Բ. – Համո Սահյան, Բանաստեղծություններ
4. Վ.Վ.Բ. – Վանիկ Կարուժան, Բանաստեղծություններ